




PAMFLET

1375



19
CALPE;

SIVE

Illustris ac memorabilis

VICTORIAE

IN FRETO GADITANO,

Ductu Nobilissimi fortissimiq; Viri

IACOBI HEEMSKERCKII;

Illustrissimorum & Potentissimorum

ORDINVM GENERALIVM

Provinciarum Belgij fœderatarum

STOLARCHÆ,

xxv die Aprilis partæ,

brevis descriptio:

Auctore

BONAVENTURA VVLCANIO



LYGDVNI BATAVORVM;

Excudit Thomas Basson.

ANNO M. D. CVII.

1375 20

Ad Nobilissimos Amplissimosq; Viros

ADRIANVM A MATHENES

Dominum in Mathenes & Opmeer,
Consilij Status Foederatarum Belgij Provinciarum,
Consiliarium;


ET

CORNELIVM VANDER MYLE;

Illustrissimo principi Mauritio à Nassou
à Consilij;

*Curatores Academiae
Leidenfis.*

Dominos plurimum colendos.



EPIGRAMMA
BONAVENTURÆ
VULCANII.

Non bene scribuntur, nec mirum, carmina vati
Cui labor & senium languida membra gra-
vant,

At mihi, cui meliora favor dedit otia vester,
Forte novas vires, ingeniumq; dabit.
Fallor, Apollineo aut mihi pectus ab igne calescit,
Et vigor in fibras, qui fuit ante, redit.
En, Batavos celebrare audet mea Musa triumphos,
Claraque in Herculeo parta trophæa freto.
Fors erit alma brevi cantemus ut otia Pacis,
Ad quam strata armis plana patensq; via est.

CALPES

CALPES

PROSOPOPOEIA

B Attavicos Calpe dum spectat Nympha triumphos,
 Littoraq; Hispanis sparsa cada verilus;
 Incensasq; videt, vel mersas aequore puppes,
 Quae nuper terror totius orbis erant:
 Olim, inquit, regis Roderici insana libido,
 Me simul, & totam perdidit Hesperiam.
 Quam vereor, regis ne immania facta Philippi,
 In nova nos iterum damna necemq; trahant.

VICTOR

VICTORIA
IN FRETO GADITANO
DESCRIPTIO.



Vid foederatae Belgij provinciae
Causa bona, & favore fretæ Numinis
Ductu fideli Principis Mauriti
Tot iam per annos laude dignum gesse-
runt;

Et quas tulere Ibero ab hoste adoras,
Cecinere multi; Fama quæ terrâ & mari
Per utriusque sparfit orbis angulos,
Miraculo futura seclis posteris.
Ast vltima hæc, Colophonis obtinens vicem,
Virtute parta Heemskerckij victoria,
Gades vbi & Fretum Herculi cognomine
Disterninare Europam ab Afris cernitur,
Dignissima est quâ concinendâ Musicus
Se Belgicorum exerceat vatum chorus.
Quam dum celebros versibus gratans meis,
Faveto Musa, nec senem me despice,
Cui carus olim, veragens meum, fui.

Est.



St Bæticae procul ultimis in finibus
Vrbs, Gaditani in faucibus Freti sita,
Priscis vocata Calpe; Afri Gibraltaram
Dixere, quando parte ab illa Hispaniam
A Iuliano proditam, ob regis scelus,
Notamq; turpem stupri iustam filiae,
Invasit & sibi subdidit gens Punica.
Ad vrbs oram, parte quâ Oceanus pater
Miscere se Tyrrhenico properans mari,
Lunę in modum bicornis efficit Sinum,
Spumante Moles tunfa semper stat salo
Freto Herculis simul, imperansq; navibus
Hac commeantibus Adriaticum in mare.
Hispanica hoc confederat classis finu,
Magnum minans Batavicis rebus malum.
Cui obvians Heemskerckius periculo
Classis magister Ordinum Generalium
Quos unierunt arctiora foedera;
Vires Iberum Regis ardens frangere,
Factisque famam heroicis extendere,
Certus mori pro patriâ, vel vincere,
In Gaditani angustiam inVectus freti,
Hostile conspicatur agmen navium,

Pup.

Puppēsq; celtas instar altorum arcium,
Stantes reductiore Calpes in sinu.
Mox ergo votis nuncupatis Numini,
Et præmijs ingentibus animans suos,
Qui puppe signum ex hosticâ revulserint,
Suum ipse puppe in editâ signum locat,
Clavisq; figit vndequaue tenacibus,
Vt abripi sine cæde maximâ haud queat.
Sic hostium in prætoriam navim ruit
Nave vnicâ Lambertidæ iunctâ sibi,
Vicarioq; mandat Alterassio,
Vt alteram sociatam habens puppim suæ,
Prætorix vicariam hosticæ involet.
Binæque deinde singulas sibi legant
Ex hosticis, vt res feret, biremibus,
Et fortiter Bata viceq; rem gerant.
Illi parati iussa mox capeffere
Magno feruntur hostium in classẽ impetu.
Sed en, repente (proh dolor) globus igneus
Prætoria hostis e biremi provolans
Femur sinistrum Heemskerckij & vitam abstulit.
Nihilo interim se segnius socij gerunt,
Trucemque in hostem dimicant acerrimè

Suc?

Succensa grandiamore laudis pectora:
Sunt præmiorum ingentium quos sponso,
Quæ fortitudinem efficax est insitam
Exfuscitare, animisq̃ue calcar addere,
Audaciores fortioresq̃ue efficit.
Vitæ suæ qui mille per discrimina
E puppe signum detrahunt prætoria,
Nostroq̃; dant victoriæ spem militi.
Dij quanta pugna, quantus hîc labor viris.
Tormenta quum displosa vtrunque grandia
Ferri igneos iaculantia assidue globos
In frustra puppes hinc & inde dissecant,
Et glandium vis, densæ ad instar grandinis,
Armata corpora militum transverberat.
Dum vir virum sibi quisque, quem cædat, legit.
Mox inde casu quopiam noto haud satis
Prætoriam flamma hostium puppem occupat
Incendioq̃ue miscet atroci omnia;
Ignisq̃ue pastus sulphure & picis dape
Immane quantum fertur arduum in æthera.
Non Aethna tales, aut furens Vesuvius
Iaculatur ignes e suis crateribus,
Latè favillis obtegens tetrîs agros.


Ardere

Ardere cælum, ardere & vndas diceres,
Ardere Calpen, & recurva littora.
Proh quantus eiulatus, & clamor virum
Nil profuturis implet aëra planctibus,
Dum flamma miseros sorbet, aut vorax salum.
Magister ipse classis hîc Hispanicæ
Belgis fatis superq̃ue notus Davila
Miseranda fit flagrantis Orci victima,
Natumq̃; par acerbitas fati abstulit.
At iam furente per fretum vi flammeâ,
Batavicas etiam illa corripit rates;
Multiq̃; res negotij nautis fuit
(Tamen favente prosperata Numine)
Incendium lymphâ obrutum restinguere.
Ergo ingruente Vespero, receptui
Canens Batava classis. amisso, heu, duce,
Noctem peregit illam in anchoris cubans,
Puppesq̃; quassas, & refecit corpora.
At posterus lucescere vt cœpit dies,
Eadem vnde se receperat petit loca
Quum sparsa ad oram littoris cadavera
Et conspiciantur hostium ambustas rates
Fluitare per fretum, omnibus vacuas viris.

Nul

Nullamq; iam superesse tot de navibus
Quæ Nerei fulcare possit æquora.
Mox persolutis gratijs meritis Deo,
Classẽ Batava gens reduxit integram,
Vno ore menteq; concinens epinicia.
Ast Te, Stolarcha Heemskerke, cui memorabilis
Debetur ista, post Deum, victoria,
Pro patriæ salute non dubio mori,
Vivace penna Fama in æthera evchet;
Tuque ob paratam adorem Herculeo in freto,
Batauicus vocabere æternũ Hercules;
Tholoq; fixa trophæa sublimi tua,
Amstelrodâma in vrbe, Pluti regiâ,
Quæ cive tanto illustrior multo cluit,
Et hæc, & ætas omnis admirabitur.

F I N I S.



Nu
Qu
Mo
Cla
Vn
Aft
De
Pro
Viv
Tu
Bat
Th
An
Qu
Et

